

重修廣平府志卷四十七

列傳二 北齊至五代

北齊

陳元康字長猷廣宗八父終德魏濟陰內史元康貴贈度支尙書諡曰貞元康頗涉文史有幹才魏正光中從李崇北伐以功賜爵臨清男普泰中除主書累遷司徒高昂記室齊神武召授大丞相功曹內掌機密善陳事意不務華藻遷大行臺都官郎封安平子軍國多務元康問無不知神武臨行留元康在後有號令九十餘條元康盡能記憶神武甚親之神武之伐劉蠡升天寒雪

重修廣平府志

卷四十七

列傳二 北齊至五代

一

深使元康於氍毹下作軍書颯颯運筆筆不及凍俄頃數紙及出神武目之曰此何如孔子耶神武嘗怒歐文襄告元康元康俯泣曰王教世子過矣神武自是爲之懲忿謂左右曰元康用心誠實必與我兒相抱文襄入輔居鄴下崔暹張亮等並爲神武待遇然皆出元康下時人語曰三崔二張不如一康從神武次於芒山將戰失陣圖元康冒險求得之西師旣敗神武會諸將議進取策元康言時不可失必追之神武不從累遷大行臺左丞及神武疾篤謂文襄曰芒山之戰恨不用元康言死不瞑目事皆當與元康定也神武薨祕不發喪唯元康

知之文襄嗣事自晉陽將之鄴令元康預作神武條教數十紙別封昌國縣公以從侯景反文襄欲殺崔暹以謝景元康力諫乃止高岳討侯景未克文襄欲遣潘相樂副之元康以慕容紹宗薦文襄乃任紹宗遂破景賞元康金五十斤王思政入潁城諸將攻之不能拔元康進曰公自匡朝政未有殊功今潁城將陷願公因而乘之文襄乃親征潁川遂克之賞元康金百錠初魏朝授文襄相國齊王諸將皆勸受之獨元康以爲未可文襄內漸嫌之欲用爲中書令處以閑地事未施行屬將受

魏禪

北史本傳

乃屏左右而與元康及崔季舒密謀於城北

重修廣平府志

卷四十七

列傳一北齊至五代二

東柏堂

北史齊本紀

文襄之掌廚蒼頭蘭固成因進食置刀

盤下殺文襄元康與賊爭刀髻解被刺腸出猶手書辭

母至夜而終時年四十三

北史本傳

明年乃贈使持節都督

冀定瀛殷滄五州諸軍事驃騎大將軍司空公冀州刺

史諡曰文穆賻物一千二百段元康母李氏以哀死贈

廣宗郡君諡曰貞昭子善藏武平末假儀同三司給事

黃門侍郎隋開皇中爲尙書郎大業初卒於彭城郡贊

治元康弟諶官至大鴻臚次季璩鉅鹿太守轉美州別

駕平秦王歸彥反遇害贈衛尉卿趙州刺史

北齊書列傳

趙起字興洛廣平人父達幽州錄事參軍起性沈謹有

幹用齊高祖起兵時以起爲定州刺史段榮典籤除奉
車都尉天平中高祖爲魏相徵爲相府騎兵二局典兵
馬十餘載累加中散大夫世宗嗣事出爲建州刺史遷
侍中及顯祖卽位起罷州還闕累遷大鴻臚卿起雖歷
九卿侍中常兼典兵馬監調發居腹心寄後出爲西兗
州刺史被劾禁錮歲餘以無驗獲免河清二年徵還晉
陽加祠部尙書開府天統初轉太常卿食瑯琊郡幹二
年除滄州刺史加六州都督武平中卒於官贈都督滄
州刺史

齊書參北史

宋世軌列人人世良弟幼修整好法律天保初歷三尙

車修廣平府志

卷四十七

列傳二北齊至五代

三

書三公二千石都官郎中兼并州長史執獄寬平多所
全濟爲都官郎中有囚被枉將垂執法世軌遣騎止之
而奏其狀遂免稍遷廷尉少卿洛州有羣盜欲劫河橋
吏捕獲之事連諸元徒黨凡千七百人廷尉崔昂欲以
反斷歷數年不決及世軌爲少卿乃判爲劫誅盜魁而
悉捨其徒時大理正蘇珍之亦以平反名寺中語曰決
定嫌疑蘇珍之視表見裏宋世軌時人以爲寺中二絕
南臺囚到廷尉世軌多雪之仍移攝御史將問其濫狀
中尉畢義雲不送移往復不止世軌遂上書極言義雲
酷擅文宣引見二人親敕世軌曰我知臺欺寺久卿能

執理抗衡甚善但守此心勿慮不富貴敕義雲曰卿比所爲誠合死以志在疾惡故且恕卿及卒廷尉御史諸繫囚皆哭曰宋廷尉死我等豈有生路贈光州刺史諡

曰平無子世良以第五子朝基嗣

北史

慕容儼字恃德清都成安人慕容廆之後也父叱頭魏南頓太守儼容貌出羣衣冠甚偉不好讀書頗學兵法工騎射正光中魏河間王元琛率眾救壽春辟儼左廂軍主以戰功賞帛五十疋軍次西硤石因解渦陽之圍梁遣將鄭僧等要戰儼擊之斬其將蕭喬梁人奔遁又襲破王神念等軍三年梁遣將攻東豫州儼督別將鄭

重修廣平府志

卷四十七

列傳二北齊至五代

四

海珍與戰斬其軍主朱僧珍軍副秦太又擊賊王苟於陽夏平之孝昌中尔朱榮入洛授儼京畿南面都督永安中西荆州爲梁將曹義宗所圍儼應募赴之時北育太守宋帶劍謀叛儼出其不意執之一郡遂定又破梁將馬元達蔡天起柳白嘉等累有功除强弩將軍與梁將王元真董當門等戰並破之解穰城圍剋復南陽新鄉轉積射將軍持節豫州防城大都督尔朱敗與豫州刺史李恩歸高祖以勲累遷安東將軍高梁太守東雍州刺史沙苑之敗西魏荆州刺史郭鸞率眾攻儼拒守二百餘日晝夜力戰大破鸞軍擒西魏刺史郭他時諸

州多有翻陷唯儼獲全進號鎮南將軍武定三年率師解襄州圍又從攻玉壁賜帛七百疋五年鎮河橋五城侯景叛儼擊陳郡賊擒斬百餘級旋軍項城又擒景部下二千人六年除譙州刺史屢有戰功七年除膠州刺史天保初除開府儀同三司三年梁司徒陸法和儀同宋苴等率其部下以郢州城內附時清河王岳帥師江上遣儼鎮郢城始入便爲梁大都督侯瑱任約率水陸軍奄至城下儼隨方禦備瑱等不能剋又於上流塞船路人信阻絕城守孤懸衆情危懼儼導以忠義乃順士卒之心相率祈請城隍神冀獲冥祐須臾衝風歛起漂重修廣平府志

卷四十七

列傳二 北齊至五代

五

斷荻蒹如此者再三城人大喜以爲神助瑱移軍於城北造柵置營儼乃率步騎出城奮擊大破之更繕城雉造船艦水陸備具工無暫闕蕭循又率衆五萬與瑱約合軍攻擊儼與將士力戰終夕約等乃退追斬瑱驍將張白石夏五月瑱約等又相與并力悉衆攻圍城中食少糧運阻絕無以爲計儼猶申令將士信賞必罰分甘同苦死生以之自正月至六月人無異志後蕭方智立遣使請和顯祖以城在江表據守非便有詔還之儼望帝悲不自勝帝呼令至前執其手曰觀卿容貌朕不復相識自古忠烈豈能過此儼對曰臣侍陛下威靈得申

愚節不屈豎子重奉聖顏今雖夕死沒而無恨帝嗟稱
不已除趙州刺史進伯爲公九年又討賊有功賜帛一
百疋錢十萬十年詔除揚州行臺與王貴顯侯子監將
兵衛送蕭莊築郭默若耶二城與陳新蔡太守魯悉達
戰大蛇洞破走之卒贈司徒尙書令

北齊書
列傳

宋遊道廣平人其先自燉煌徙焉父季預爲渤海太守
遊道弱冠隨父在郡父亡吏民贈遺一無所受事母以
孝聞其叔父某爲奴誣以逆遊道誘令返雪而殺之魏
廣陽王深北伐請爲鎧曹後爲定州刺史又以爲府佐
及王爲葛榮所殺元徽乃誣其降賊收錄妻子賴遊道

重修廣平府志

卷四七

列傳一北齊至五代

六

爲訴得釋中尉酈善長嘉之引爲殿中侍御史有見賊
能討宋遊道之謠孝莊卽位除左中兵郎中以與尙書
令臨淮王彧忤乞解官尋除司州中從事再遷至尙書
左丞累劾太師咸陽王坦太保孫騰司徒高隆之司空
侯景等百寮憚之然竟以事爲隆之及左僕射襄城王
旭尙書鄭述祖等所譖除名從齊文襄至晉陽爲大行
臺吏部數遷至司徒左長史黃門郎溫子昇之死也棄
屍路隅遊道收而葬之文襄謂曰卿真是重節義人尋
除御史中尉天保元年兼太府卿於少府覆檢主司所
乾沒得鉅萬而奸吏反誣奏之遂下獄事白復官卒遺

令薄葬不立碑表不求贈諡贈瓜州刺史武平中以子士素久典機密重贈儀同三司諡曰貞惠兗州人爲立生祠題曰忠清君子三士素士約士遜士素沈默寡言有才識累遷至儀同三司散騎常侍除黃門侍郎其參機密幾二十年士約官尙書左丞人亦目爲善士

北齊書列傳

宋欽道廣平人魏吏部尙書弁孫也初爲大將軍主簿典書記後爲黃門侍郎又令在東宮教太子習事時鄭子默以文學見知亦被親寵欽道本文法吏不甚諳識古今凡有疑事必詢於子默二人幸於兩宮雖諸王貴

重修廣平府志

卷四十七

列傳二北齊至五代七

臣莫不敬憚欽道又遷祕書監與楊愔同誅贈吏部尙

書趙州刺史

北齊書楊愔傳

荀士遜廣平人好學有思理爲文清典見賞知音武定末舉司州秀才迄天保十年不調皇建中馬敬德薦爲主書世祖時轉中書舍人狀貌甚醜以文辭見用曾有事須奏值世祖在後庭因左右轉通者不得士遜姓名乃云醜舍人世祖曰必士遜也看封題果是內人莫不忻笑後主卽位累遷中書侍郎號爲稱職與李若等撰

典言行於世齊滅年卒

北齊書文苑傳

李漢子廣平郡孝廉天保七年詔校定羣書供皇太子

覽與冀州秀才高乾和等十一人同被尙書詔共刊定

北史樊遜傳

房豹字仲幹清河人祖法壽父翼宗豹體貌魁岸美音儀釋褐開府參軍兼行臺郎中隨慕容紹宗紹宗自云有水厄遂於戰艦中浴并自投於水冀以厭當之豹曰夫命也在天豈人理所能延促公若實有災眚恐非禳所能解若其實無何禳之有紹宗笑曰不能免俗聊復爾未幾紹宗遇溺時論以爲知微遷樂陵太守鎮以凝重哀矜貧弱階庭簡靜囹圄空虛郡治瀕海水味多鹹苦豹命鑿一井遂得甘泉遐邇以爲政化所致豹罷歸

重修廣平府志

卷四十七

列傳一北齊至五代八

後井味復鹹齊滅還鄉園自養頻徵辭疾終於家

北齊書列

傳

隋

馬光字榮伯武安郡人少好學從師數十年晝夜不息圖書讖緯莫不畢覽尤明三禮爲儒者所宗開皇初徵授太學博士嘗因釋奠高祖親幸國子學王公以下畢集光升座講禮啟發章門已而諸儒生以次論難者十餘人皆當時碩學光剖析疑滯雖辭非俊辨而理義宏贍論者莫測其淺深咸共推服上嘉勞焉山東三禮學者自熊安生後惟宗光一人初教授瀛博間門徒千數

至是多負笈從入長安後丁母憂歸里遂有終焉之志

以疾卒於家年七十三

隋書儒林傳

郭懋廣平人明習左傳信都劉焯河間劉炫同從受學

隋書劉焯傳

房山基清河人開皇中爲考功以明幹稱

隋書

唐

王君愕洛州邯鄲人有沈謀隋亂并州人王君廓掠邯鄲君愕往說曰隋氏失御豪俊共救其亂宜撫納遺賍而保全之觀時變待真主足下無尺寸之地兼旬之糧劫衆而興但恣殘剽所過失望竊爲足下羞之君廓謝

重修廣平府志

卷四十七

列傳二北齊至五代

九

曰計安出答曰井陘之險可先取君廓從其言遂屯井陘山高祖入關與君廓偕來拜君愕大將軍封新興縣公累遷左武衛將軍從太宗征遼領左屯營兵與高麗戰駐驛山死於陣贈左衛大將軍幽州都督邢國公陪

葬昭陵

新唐書列傳

王及善君愕子以父死事授朝散大夫襲邢國公爵皇太子宏立擢及善左奉裕率太子宴於宮命宮臣擲倒及善辭曰殿下自有優人臣苟奉令非羽翼之美太子謝之高祖聞賜絹百匹除右千牛衛將軍帝曰以爾忠謹故擢三品要職病免召爲衛尉卿垂拱中厯司屬卿

山東饑詔爲巡撫賑給使拜春官尙書出爲秦州都督益州長史加光祿大夫以老病致仕神功元年契丹擾山東擢魏州刺史武后勞曰逆虜盜邊公雖病可與妻子行日三十里爲朕卧治爲屏蔽也因延問朝政得失及善陳治亂所以后悅曰禦寇末也輔政本也公不可行留拜內史來俊臣繫獄當死后欲釋不誅及善曰俊臣凶狡不道引亡命汙戮善良天下疾之不剿絕元惡且搖亂貽禍憂未旣也后納之廬陵王之還密贊其謀旣爲皇太子又請出外朝以安羣臣及善不甚文而清正自將臨事不可奪有大臣節時二張怙寵每侍宴無

重修廣平府志

卷四十七

列傳二 北齊至五代十

人臣禮及善數裁抑之后不悅曰卿年高不宜侍游宴但檢校閣中及善卽移病餘月后不復問歎曰中書令可一日不見天子乎遂乞骸骨猶不許改文昌左相同鳳閣鸞臺三品卒年八十二贈益州大都督諡曰貞陪葬乾陵

同

程名振洺州平恩人大業末仕竇建德爲普樂令甚有能名諸賊不敢犯其境尋棄建德歸國高祖遙授永年

新唐書作授永甯令

令仍令率兵經略河北名振夜襲鄴縣俘其

男女千餘人以歸去鄴八十里閱婦人有乳汁者九十餘人悉放遣之鄴人感其仁恕爲之設齋以報其恩及

建德敗始之任俄而劉黑闥陷洺州名振復與刺史陳君賓自拔歸朝母潘妻李在路爲賊所掠名振又從太宗討黑闥時黑闥於冀貝滄瀛等州水陸運糧以拒官軍名振率千餘人邀擊之盡毀其舟車黑闥聞之大怒遂殺名振母妻及黑闥平名振請手斬黑闥以其首祭母以功拜營州都督府長史封東郡公賜物二千段黃金三百兩累轉洺州刺史太宗將征遼東召名振問以經略之事名振初對失旨太宗動色詰之名振酬對逾辯太宗意解即日拜右驍衛將軍授平壤道行軍總管前後攻沙卑城破獨山陣皆以少擊衆稱爲名將永徽

重修廣平府志

卷四十七

列傳一北齊至五代士

六年累除滎州都督兼東夷都護又率兵破高麗於貴端水焚其新城殺獲甚衆後歷晉浦二州刺史龍朔二年卒贈右衛大將軍諡曰烈

舊唐書程務挺傳

程務挺名振子少隨父征討以勇力聞遷右領軍衛中郎將永隆中突厥史伏念反叛詔禮部尙書裴行儉率兵討之務挺爲副將仍檢校豐州都督時伏念屯於金牙山務挺與副總管唐元表引兵先逼之伏念懼不能支遂降務挺以功遷右衛將軍封平原郡公永淳二年綏州城平縣人白鐵余率部落稽之黨據縣城反詔務挺與夏州都督王方翼討之務挺進攻其城拔之生擒

白鐵余盡平其餘黨又以功拜左驍衛大將軍檢校左羽林軍嗣聖初與右領軍大將軍檢校左羽林軍張虔勗同受則天密旨帥兵入殿庭廢中宗爲廬陵王立豫王爲皇帝則天臨朝累受賞賜特拜其子齊之爲尙乘奉御務挺泣請迴授其弟則天嘉之下制褒美乃拜其弟原州司馬務忠爲太子洗馬又明年以務挺爲左武衛大將軍單于道安撫大使督軍以禦突厥務挺善於綏禦威信大行偏裨以下無不盡力突厥甚憚之相率遁走不敢近邊及裴炎下獄務挺密表申理之由是忤旨務挺素與唐之奇杜求仁友善或構言務挺與裴炎重修廣平府志

卷四十七

列傳二 北齊至五代 三

徐敬業皆潛相應接則天遣左鷹揚將軍裴紹就軍斬之籍沒其家突厥聞務挺死所在宴樂相慶仍爲務挺立祠每出師攻戰卽祈禱焉

舊唐書
列傳

毛藻字行斌雞澤人曾祖買祖甯父卿皆仕齊隋間藻性疏放不拘名檢隋末歸唐授上儀同尋陞熊州司倉參軍冀氏縣令克王世充滅竇建德屢有功授朝散大夫降驍騎尉致政歸咸亨四年卒年七十二

唐墓志

韓固文字南金雞澤人曾祖起祖韶仕齊隋間父士行唐明經儒林郎固文釋褐芮城尉考滿調鹽山遷望都主簿清慎自矢所在以治稱儀鳳二年卒年五十五

唐墓

志

蓋文懿貝州宗城人

舊唐書

以儒學稱與宗人文達時號

二蓋高祖於祕書省置學以教王公子文懿爲國子助教既升席公卿更相質問文懿譬曉密微遠近宗仰終

國子博士

新唐書
儒學傳

潘師正貝州宗城人少喪母廬墓以孝聞隱居逍遙谷高宗幸東都召見問所須對曰茂松清泉臣所須也既不乏矣帝異之詔卽其廬作崇唐觀及營奉天宮又敕直逍遙谷作門曰仙遊北曰尋真時太常獻新樂帝更名祈仙望仙翹仙曲卒年九十八贈大中大夫諡體元

重修廣平府志

卷四十七

列傳二北齊至五代

三

先生

新唐書
隱逸傳

賈公彥洺州永年人永徽中官至太學博士撰周禮義疏五十卷儀禮義疏四十卷時有趙州李元植又受三禮於公彥撰三禮音義行於代

舊唐書

終太學博士撰次

章句甚多

新唐書
儒學傳

賈大隱公彥子儀鳳中爲太常博士會太常仲春告瑞太廟高宗問禮官何世而然大隱對曰古者祭以首時薦以仲月近世元日奏瑞則二月告廟告者必有薦本於始不得其時焉累遷中書舍人垂拱中博士周棕請武氏廟爲七室唐廟爲五下比諸侯大隱奏言秦漢母

后稱制未有戾古越禮者悖損國廟數悖大義不可以訓武后不獲已僞聽之時皆服大隱沈正不詭從有大

臣體終禮部侍郎

同上

李傑本名務光相州滏陽人後魏并州刺史寶之裔孫少以孝友著擢明經第解褐齊州參軍事累遷天官員外郎爲吏詳敏有治譽以採訪使行山南時戶口逋蕩細弱下戶爲豪力所兼傑爲設科條區處檢防亡匿復業者十七八神龍中爲河東巡察黜陟使課最爲諸道最先天中進陝州刺史水陸發運使置使自傑始改河南尹傑旣精聽斷雖行坐食飲省治不少廢繇是府無

重修廣平府志

卷四十七

列傳二北齊至五代

古

淹事人吏愛之寡婦有告其子不孝者傑物色非是謂婦曰子法當死無悔乎答曰子無狀甯其悔乃命市棺還斂之使人迹婦出與一道士語頃持棺至傑命逋道士按問乃與婦私不得逞傑殺道士內於棺河汴之交舊有梁公埭廢不治南方漕弗通傑調汴鄭丁男復作之不費而利入代宋璟爲御史大夫尙衣奉御長孫昕素惡傑遇於道內恃元宗姬嬖與所親楊仙玉共毆辱之傑訴曰敗髮膚痛在身辱衣冠恥在國帝怒詔斬殺昕等於朝堂以謝百官降書慰傑以護作橋陵封武威縣子初傑引侍御史王旭爲護陵判官旭貪贓傑將繩

之未及發反爲所構出衢州刺史遷揚州大都督府長史復爲御史劾免開元六年卒帝悼之特贈戶部尙書

新唐書
列傳

宋慶禮洺州永年人擢明經補衛尉武后詔侍御史桓彥範行河北鄣斷居庸五回等路以備突厥召慶禮與議見其方略器之俄遷大理評事爲嶺南採訪使時崖振五州首領更相掠民苦於兵使者至輒苦瘡瘍莫敢往慶禮身到其境諭首領大誼皆釋仇相親州土以安罷戍卒五千厯監察殿中侍御史以習識邊事拜河東河北營田使善騎日能馳數百里性甘勞苦然好興作

重修廣平府志

卷四十七

列傳二 北齊至五代 十五

濱塞掘堦植兵以邀虜徑議者蚩其不切事稍遷貝州刺史復爲河北支度營田使初營州都督府治柳城扼制奚契丹武后時趙文翽失兩番情攻殘其府更治東漁陽城元宗時奚契丹款附帝欲復治故城宋璟固爭不可獨慶禮執處其利乃詔與太子詹事姜師度左驍衛將軍邵宏等爲使築栽三旬畢俄兼營州都督開屯田八十餘所追拔漁陽淄青沒戶還舊田宅又集商胡立邸肆不數年倉廩充居人蕃輯卒贈工部尙書慶禮爲政嚴少私吏畏威不敢犯太常博士張星以好巧自是諡曰專禮部員外郎張九齡申駁曰慶禮國勞臣在

邊垂三十年往城營州士纔數千無甲兵彊衛指期而往不失所慮遂罷海運收歲儲邊亭宴然其功可推不當醜諡慶禮兄子辭玉亦自詣闕訴改諡曰敬

同上

潘好禮貝州宗城人第明經累遷上蔡令治行最擢監察御史坐小累下除芮城令拜侍御史徙岐王府司馬居後母喪詔奪服固辭不出開元初爲邠王府長史王爲滑州刺史好禮兼府司馬知州事王御下不能肅有詔好禮檢督王家過失皆上聞王每遊觀好禮必諫諭禁切農月王出獵家奴羅邈好禮遮道諫王初不許乃卧馬下諫曰今農在田王何得非時暴木稼以損下人

重修廣平府志

卷四十七

列傳二北齊至五代

六

要先踐殺司馬然後聽所爲王慙爲還遷豫州刺史勤力於治清廉無所私然喜察細事下厭其苛子請舉明經好禮曰經不明不可妄進乃自試之不能通怒答之械而徇於門復以功累徙温州別駕卒好禮博學能論議節行修整一意無所傾附未嘗自列階勳居室服用麤苟至終身世謂近名

同上

楊茂謙清河人竇懷貞初爲清河令甚重之起家應制舉拜左拾遺出爲臨洺令時洺州稱茂謙與清漳令馮元淑肥鄉令韋景駿皆有政理之聲茂謙以清白聞擢爲祕書郎時竇懷貞爲相數稱薦之由是歷遷大理正

御史中丞開元初出爲魏州刺史河北道按察使與司馬張懷玉本同鄉曲初善而末隙遂相糺訐坐貶桂州都督尋轉廣州都督以疾卒

舊唐書列傳

張徹清河人長慶中爲范陽府監察御史時幽州將父子繼續不廷選且久新牧臣孤怯徹至數日軍亂怨其府從事盡殺之而囚其帥遷徹於別館徹罵衆曰汝何敢反前日吳元濟斬東市昨日李師道斬於軍中同惡者父母妻子皆屠死肉餒狗鼠鴟鴞汝何敢反行且罵衆惡其言共擊殺之徹抵死罵不絕口事聞贈給事中

畿輔

通志

重修廣平府志

卷四十七

列傳二北齊至五代七

傅良弼字安道清河人以射冠軍中初瀛之博野樂壽介范陽成德間每兵交先薄二城故常爲劇屯德宗以王武俊破朱滔功皆隸成德故以良弼守樂壽李寰守博野廷湊之叛兩賊交誘之而堅壁爲國固守有詔以樂壽爲左神策行營拜良弼爲都知兵馬使俄以良弼爲沂州刺史良弼率衆出戰力乃得去天子以良弼忠有狀乃更賜奴婢服馬召良弼爲左神策軍將軍寶厯初擢夏綏銀節度使異時蕃帳亡命來者必償馬乃與良弼至皆執付其部酋種歡懷終橫海節度使

新唐書牛元翼

傳